




ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻ ՆԵՐԿԱՅԱՑՈՒՑԻՉՆԵՐԸ ՄԱՅՐ ԱԹՈՌՈՒՄ

Սույն թվականի մարտի 29-ին երկօրյա պաշտոնական այցով Մայր Աթոռ ժամանեցին Եկեղեցիների համաշխարհային խորհրդի «Աստվածաբանական կրթության բաժանմունք»-ի տնօրեն վերապատվելի Ա. հարոն Սափազյանը և նույն բաժանմունքի կոմիտեի նախագահ դոկտ. Հովարդ Միլսը:

Երևանի «Զվարթնոց» նորակառույց դամբարանատեղում հարգարժան հյուրերին դիմավորեցին և քարի գալուստ մաղթեցին հոգևոր ճեմարանի տեսուչ Տ. Եզնիկ քահանա Պետրոսյանը, Մայր Աթոռի միաբան Տ. Հայկազուն արքեպիսկոպոս Նաջարյանը և Մայր Աթոռի միջնեկեղեցական հարաբերությունների բաժնի ընդհանուր քարտուղար Պարգև Ծախաչյանը:

Այնուհետև հյուրերն առաջնորդվեցին Էջմիածնի վանք և տեղավորվեցին Մայր Աթոռի վանատանը:

ԵՀԽ-ի ներկայացուցիչները Սովետական Միություն Էին ժամանել Մոսկվայի ռուսաց Պատրիարքարանի հրավերով՝ ծանոթանալու Սովետական Միությունում գործող մի շարք հոգևոր ակադեմիաների և սեմինարիաների ուսումնա-դաստիարակչական աշխատանքների դրվածքին, ուսումնական ծրագրերին և դասավանդման մեթոդներին: Այդ կապակցությամբ նրանք եղել էին Լենինգրադի, Ջագոբսկի և Օդեսայի հոգևոր

դպրոցներում: Նույն առաքելությամբ նրանք այցելեցին նաև Մայր Աթոռ:

Մարտի 29-ի երեկոյան Մայր Աթոռի հյուրերը հոգևոր ճեմարանի տեսչարանում հանդիպում ունեցան ճեմարանի տեսչության և դասախոսական կազմի մի շարք անդամների հետ: Հոգևոր ճեմարանի տեսուչ Տ. Եզնիկ քահանա Պետրոսյանը ԵՀԽ-ի ներկայացուցիչներին հաղորդեց մանրամասն տեղեկություններ ճեմարանում դասավանդվող առարկաների, ուսումնական ծրագրերի, ուսման տևողության, ուսանողության թվի, դասավանդման մեթոդների, օգտագործվող դասագրքերի և արդյունավետ կրոնական ուսուցման նպատակով նախատեսվող ծրագրային այլ հարցերի վերաբերյալ:

Ապա հյուրերն այցելեցին հոգևոր ճեմարանի լսարաններ, հանդիսարան, ընթերցարան ու գրադարան:

Մարտի 30-ին, երկուշաբթի օրը, առավոտյան, Ամենայն Հայոց կաթողիկոսը Վեհարանում ընդունեց մեծարգո հյուրերին և գրույց ունեցավ նրանց հետ: Զրույցի ընթացքում ԵՀԽ-ի ներկայացուցիչները Հայոց Հայրապետին գոհունակությամբ արտահայտվեցին հոգևոր ճեմարանից իրենց ստացած տպավորությունների մասին և միաժամանակ ցանկություն հայտնեցին, որ

Հայ եկեղեցին հետագայում առավել սերտ գործակցություն ցուցաբերի եկեղեցիների համաշխարհային խորհրդի աշխատանքներին՝ երիտասարդ շնորհալի հայ հոգևորականների գործուն մասնակցությամբ: Զրույցն անցավ եղբայրական ջերմ ու սրբ-տագին մթնոլորտում:

Զրույցին ներկա էին Գերագույն հոգևոր խորհրդի ատենապետ Ս. Սիոն արքեպիսկոպոս Մանուկյանը, Արարատյան թեմի առաջնորդական փոխանորդ Ս. Արսեն եպիսկոպոս Բերբերյանը, Ս. Հայկազուն արեղա Նաջարյանը, Ս. Եզնիկ քահանա Պետրոսյանը և Պարզև Ծախազյանը:

Ժամը 15-ին Ամենայն Հայոց Հայրապետը Վեհարանի սեղանատանը հյուրերի պատվին տվեց ճաշկերույթ:

Նույն օրը, երեկոյան, ԵՀԽ-ի ներկայացուցիչները հրաժեշտ տվեցին Նորին Սրբությանը և Մայր Աթոռից մեկնեցին լավագույն տպավորություններով:

Մայր Աթոռում հյուրընկալվելու օրերին հյուրերը Մայր տաճարում ներկա եղան առավոտյան ժամերգությանը, ծանոթացան մայրավանքի թանգարաններին, այցելեցին Գառնի, Ս. Գեղարդի վանք, Երևանի Ս. Սարգիս եկեղեցի, Երևանի մորակառույց մետրոպոլիտեն և տեսարժան այլ վայրեր:

